

ACORDO DE PRÓRROGA

DO CONVENIO DE COLABORACIÓN ENTRE A CONSELLERÍA DE POLÍTICA SOCIAL E O COLEXIO OFICIAL DE TRABALLO SOCIAL DE GALICIA POLO QUE SE ENCOMENDA A XESTIÓN DOS SISTEMAS DE INFORMACIÓN BÁSICOS DO SISTEMA GALEGO DE SERVIZOS SOCIAIS (SIUSS-SIUSSGAL/PBSS E MATIASS).

En Santiago de Compostela, na data que constan nas sinaturas electrónicas.

Dunha parte, Dona Fabiola García Martínez, conselleira de Política Social e Igualdade da Xunta de Galicia, en virtude do Decreto 44/2024, do 14 de abril, polo que foi nomeada conselleira, actuando en nome e representación da Administración Xeral da Xunta de Galicia, no uso das facultades que lle veñen atribuídas no artigo 34 da Lei 1/1983, do 22 de febreiro, de normas reguladoras da Xunta e da súa presidencia, no Decreto 42/2024, do 14 de abril, polo que se establece a estrutura orgánica da Xunta de Galicia, no Decreto 49/2024, do 22 de abril, polo que se fixa a estrutura orgánica das consellerías da Xunta de Galicia e no Decreto 139/2024, do 20 de maio, polo que se establece a estrutura orgánica da Consellería de Política Social e Igualdade.

Doutra parte, Dona Miriam Rodríguez Sierra, Presidenta da Xunta de Goberno do Colexio Oficial de Traballo Social de Galicia (en diante, COTSG), nomeada pola Xunta de Goberno do COTSG na súa reunión do 9 de xaneiro de 2018, de conformidade coas facultades que lle outorga o artigo 40.2 dos Estatutos do Colexio aprobados polo Decreto 47/2017, do 27 de abril.

EXPOÑEN

Primeiro.-Que de acordo coa Lei 40/2015, do 1 do outubro, de Réxime Xurídico do Sector Público, o 20 de xullo do 2021 asinouse un convenio de colaboración entre a Consellería de Política Social (actualmente consellería de Política Social e Igualdade) e o COTSG polo que se lle encomenda ao dito Colexio a xestión dos sistemas de información básicos do sistema galego de servizos sociais (SIUSS-SIUSSGAL/PBSS E MATIASS).

Segundo.-Que a cláusula sexta do mencionado convenio de encomenda de xestión, nos apartados referidos á vixencia, establece:

“O período de vixencia do presente convenio coincidirá coa duración da encomenda de xestión por espazo de catro anos a computar dende o 15 de agosto do 2021, data de entrada en vigor.





XUNTA DE GALICIA

Deste xeito, a duración da encomenda de xestión abranguerá dende o 15 de agosto do 2021 ata o 14 de agosto do 2025, ambas as dúas datas incluídas.

Non obstante, poderá ser obxecto de prórroga que, en todo caso, deberá ser expresa, se se manteñen as circunstancias que a xustifican, tendo en conta as necesidades permanentes de apoio, asesoramento técnico e formación continua do persoal técnico do sistema galego de servizos sociais, en xeral, e de apoio técnico e formación en materia de SIUSSGAL/PBSS dos traballadores sociais dos servizos sociais comunitarios, en particular, salvo que sexan adoptadas medidas organizativas ou doutra índole que permitan adecuar os medios dispoñibles para levar a cabo as actividades encomendadas.

Non obstante, serán causas de resolución anticipada do Convenio as previstas na cláusula sétima.

En todos os casos as partes terán que adoptar as medidas que sexan necesarias para finalizar todas as tarefas e compromisos vixentes no momento da causa de resolución anticipada.”

Terceiro.- Que, tendo en conta a pervivencia das necesidades de apoio, asesoramento técnico e formación continua indicadas no punto anterior e que reproducen o indicado no Convenio, a Consellería de Política Social e Igualdade desexa continuar coa prestación dos servizos a través da encomenda de xestión dos sistemas básicos de información do sistema galego de servizos sociais, de conformidade cos compromisos adquiridos mediante o dito convenio de colaboración suscrito entre as partes.

Por todo o exposto, ambas as dúas partes, no nome e representación en que concorren e coa capacidade legal para este acto,

ACORDAN

Primeiro.- Prorrogar o Convenio de Colaboración formalizado o 20 de xullo do 2021 entre a Consellería de Política Social (actualmente Consellería de Política Social e Igualdade) e o COTSG polo que se encomenda a xestión dos sistemas de información básicos do sistema galego de





XUNTA DE GALICIA

servizos sociais (**SIUSS-SIUSSGAL/PBSS E MATIASS**) por catro anos ano e con efectos dende o día 15 de agosto do 2025 ata o 14 de agosto do 2029, nos termos e co alcance que figura no seu clausulado.

Segundo.- A Consellería de Política Social e Igualdade destinará un máximo de 416.676,96 €, correspondendo 39.063,74 € á anualidade 2025, 104.169,24 € á anualidade 2026, 104.169,24 € á anualidade 2027, 104.169,24 € á anualidade 2028 e 65.105,50 € á anualidade 2029, en concepto de financiamento ao COTSG dos gastos ocasionados polas actividades encomendadas, con cargo á aplicación orzamentaria correspondente aos orzamentos da Dirección Xeral de Inclusión Social 08.03.313C.227.99 (proxecto 2013 00626).

A desagregación do importe máximo é o que se detalla a continuación:

Actividade nº 1: Xestión do sistema de información estrutural dos servizos sociais MATIASS (Manual de Traballo, Información e Asesoramento de Servizos Sociais). Importe (IVE incluído): 192.000,00 €

Actividade nº 2: Xestión do sistema de información de usuarios de servizos sociais de Galicia (SIUSS-SIUSSGAL). Importe: 192.000,00 €

Actividade nº 3: Establecemento dos requirimentos semánticos, conceptuais e tecnolóxicos precisos para o transvasamento dos datos desde SIUSS-SIUSSGAL ao PBSS, así como para a debida coherencia e homoxeneidade terminolóxica: 32.676,96 €

E en proba de conformidade, subscríbese, o presente acordo de prórroga no lugar e data indicados no encabezamento.

A CONSELLEIRA
DE POLÍTICA SOCIAL E IGUALDADE

Fabiola García Martínez

A PRESIDENTA DA XUNTA
DE GOBERNO DO COLEXIO
OFICIAL DE TRABALLO SOCIAL
DE GALICIA

Miriam Rodríguez Sierra

